

# სამოქალაქო

ოზურგეთის ახალგაზრდა მეცნიერთა კლუბი

გურიის ახალგაზრდული რესურსცენტრი



# საზოგადოება

საგაზეთო ჩანართი №9

საგაზეთო ჩანართი „სამოქალაქო საზოგადოება“ კვლავ თქვენს წინაშეა, რომელიც პროექტის „თვითმმართველობის ეფექტურობის გაძლიერება მოსახლეობის ინფორმირების ახალი მეთოდების გამოყენებით“ ფარგლებშია მომზადებული. პროექტს ახორციელებს ოზურგეთის ახალგაზრდა მეცნიერთა კლუბი „გურიის ახალგაზრდულ რესურსცენტრთან“ პარტნიორობით.

პროექტის მიზანია ლანჩხუთის და ჩოხატაურის მუნიციპალიტეტების თვითმმართველობის ორგანოების გამჭვირვალობისა და ანგარიშვალდებულების გაუმჯობესება, მოსახლეობის ინფორმირების ახალი ინოვაციური მეთოდების გამოყენებით.

ლანჩხუთისა და ჩოხატაურის მუნიციპალიტეტებში მიმდინარეობს თვითმმართველობის საქმიანობით დაინტერესებული პირების მონაცემთა ბაზის შექმნა. გაფორმებული

ანკეტა-მემორანდუმზე დაყრდნობით ინფორმაცია დაინტერესებული პირების შესახებ აისახება შესაბამის მონაცემთა ბაზაში, სადაც თითოეული პირის შესახებ მითითებული იქნება მობილურის ნომერი და ინტერესთა სფეროები თვითმმართველობის მიმართულებით.

სპეციალური პროგრამული უზრუნველყოფის საშუალებით, კომისიების თუ საკრებულოს სხდომების დანიშვნიდან 1-2 დღით ადრე, საკრებულო მოახდენს შესაბამისი ინტერესთა ჯგუფებისათვის მოკლე ტექსტური შეტყობინებების (SMS) დაგზავნას, სხდომების დღის წესრიგის შესახებ, თარიღის, დროის, ადგილის მითითებით.

მონაცემთა ბაზაში დარეგისტრირება შეგიძლიათ ლანჩხუთისა და ჩოხატაურის მუნიციპალიტეტების ვებ-გვერდებზე: <http://www.lanchkhuti.org.ge/>; <http://chokhatauri.ge/>

გამოცემის ამ და შემდეგ ნომრებში შემოგთავაზებთ საინტერესო მასალებს გურიის ისტორიიდან, რომლებიც თვითმმართველობისა და სამოქალაქო საზოგადოების ჩამოყალიბების მიმდინარეობას ასახავენ. მასალები აღებულია ბრიზოლ მასპარაჟის ინტერნეტ-ბლოგიდან [www.aboutguria.blogspot.com/](http://www.aboutguria.blogspot.com/)

ლევან მყავანაძე,  
პროექტის კოორდინატორი

## გურიის სკოლების ისტორია

მასალა აღებულია ბრიზოლ მასპარაჟის ინტერნეტ-ბლოგიდან [www.aboutguria.blogspot.com](http://www.aboutguria.blogspot.com)



სასულიერო-სამრევლო სასწავლებელი. პირველი საჯარო სკოლის ძველი კორპუსი. საბოლოოდ დაანგრიეს 2008 წელს

გურია XIX საუკუნეში გამოიჩინა სკოლების რაოდენობით, ხოლო გურულები - სწავლა-განათლებისადმი მიწნაფებით. „პეტერბურგის უწყებანი“ წერდა, რომ არამცთუ ამიერკავკასიაში, არამედ რუსეთის მონიწივე გუბერნიებშიც კი ვერ შეხვდებით მოსახლეობის პროცენტული რაოდენობის მიხედვით იმდენ განათლებულ ადამიანს, რამდენსაც ქუთაისის გუბერნიის ოზურგეთის მაზრაში. ამავსე წერდა „საქართველოს კალენდარი“ 1895 წელს: მთელს საქართველოში წერა-კითხვის ცოდნაში პირველი ადგილი ოზურგეთის მაზრას უჭირავს, მეორე კი რაჭის მაზრას.

### სასულიერო-სამრევლო სასწავლებელი

1846 წელს დაარსდა გურიის სასულიერო სამრევლო სასწავლებელი. სასწავლებლის ზედამხედველი 1854 წლიდან იყო დეკანოზი სვიმონ ქიქოძე, ეპისკოპოს გაბრიელ ქიქოძის ძმა. წყაროების მიხედვით ზედამხედველი მეფის რეჟიმის ერთგული

მსახური იყო. ქიქოძე ამავდროულად იყო მასწავლებელი გურიის საქალაქო სასწავლებელში, დეკანოზი გურიის კათედრის სობოროში, ბლაღოჩინი ეპარქიაში, ბახვის სოფლის სასწავლებლის მზრუნველი, პირუტყვების ექიმი. ქიქოძეს სურდა სკოლა საკუთარი შემოსავლის წყაროდ ექცია და სასწავლებელი საკუთარ სახლში მოათავსა, რათა მოსწავლეთა მშობლებისაგან ბინის ქირა აეღო. სკოლა იქცა ქიქოძის კერძო დაწესებულებად, მოსწავლეები მუშაობდნენ მის ბაღსა ბოსტანში, უვლიდნენ შინაურ ცხოველებს. ეს გარემოება უკმაყოფილებას იწვევდა მოსწავლეებში.

მისი ფინანსური საქმიანობით უკმაყოფილო 40-მა მღვდელმა 1870 წლის გაზაფხულზე გაბრძოლ ეპისკოპოსს თხოვნით მიმართა: ჩვენ ორ მღვდელს ავირჩევთ სასწავლებლის მზრუნველად, ქიქოძეს ზონარგაყრილ ბეჭდიან წიგნს მივცემთ შემოსავალ-გასავლის ჩასაწერად და გასაკონტროლებლად, ხოლო ყველა ხარჯზე ჩვენი ხელმოწერა აუცილებელი იყოსო. შემდ-

გომში, 1876 წლის 22 ნოემბერს ქიქოძის უკმაყოფილო მღვდლები დაუკითხავად შეიჭრნენ შენობაში და მოითხოვეს ეკონომიკური ანგარიშის ჩაბარება.

სასწავლებელი მოთავსებული იყო ქიქოძის ორსართულიან ხის სახლში (იქ, სადაც დღეს ფოსტის შენობა დგას). სასწავლებელს ეჭირა ხუთი ოთახი ამდენივე კლასისთვის პირველ სართულზე და ზემო სართულში მოთავსებული იყო არქივი. შენობას არ ქონდა კარები, ფანჯრები, ჭერი, ბუხრები იყო მხოლოდ პირველ სართულზე, მეორეზე კი ადიოდა კალმები.

სასწავლებელი 1874 წელს გადააკეთეს სამკლასიან, ხოლო 1876 წელს ოთხკლასიან სასწავლებლად. 1876 წელს თბილისის სასულიერო სემინარიისადმი გაგზავნილ წლიურ ანგარიშში ნ. ტატიშვილი წერდა, რომ ოზურგეთის სამრევლო სასწავლებელში სწავლა-აღზრდის საქმე ჩამორჩენილია, საჭიროა იქ დაენიშნოთ სემინარია დამთავრებული ხალხი, რომ ავამაღლოთ ოზურგეთის ჩამორჩენილი დონეო. 1876 წლის სექტემბერ-

ში სკოლას შეემატა რამდენიმე შესაფერისი უნარის მქონე მასწავლებელი, მათ შორის იყო თბილისის სასულიერო სემინარიის კურსდამთავრებული ახალგაზრდა მასწავლებელი ივანე ლიაძე, რომელიც სამეგრელოდან მიავლინეს ოზურგეთის სასულიერო სასწავლებელში ინსპექტორად. მასთან ერთად სკოლაში მივიდა მასწავლებელი ანდრო ბენაშვილი. ამ ცვლილებას მოსახლეობა სიხარულით შეხვდა. მათ იმედი ჰქონდათ, რომ უწესრიგობას და ჩამორჩენილობას ბოლო მოეღებოდა. ლიაძე სემინარიული ახალგაზრდების იმ ჯგუფს მიეკუთვნებოდა, რომელიც გატაცებული იყო პროგრესული ლიტერატურით. ის აქტიურად თანამშრომლობდა გაზეთ „დროებაში“. ახალგაზრდა ინსპექტორმა სცადა სასწავლებელში შექმნილი მძიმე მდგომარეობის გამოსწორება. მან ამხილა დეკანოზ ქიქოძის თვითნებობა და მოსწავლეთა სიყვარული და პატივისცემა დაიმსახურა.

1877 წელს ზედამხედველმა მოითხოვა დაეცალა სკოლას სახლი და ეს მაშინ, როცა ყველა შენობა დაკავებული იყო რიონის რაზმების მიერ 1877-78 წლების ოსმალეთ-რუსეთის ომის გამო. სასულიერო სასწავლებელს დიდ დახმარებას უწევდა გრიგოლ სახელი, რომელიც სპეციალურმა კომისიამ 28 ათას მანეთად შეაფასა, 13 ათასად მიჰყიდა მთავრობას სასულიერო სასწავლებლისთვის. სასწავლებელი ზედამხედველის სახლიდან გურიელის სახლში გადავიდა სერზე 1878 წლის შუაში.

სასწავლებელი ხშირად იყო მაშინდელი პრესის კრიტიკის საგანი.

### ივარია, 1878, 12 იანვარი, N2, გვ 1-3

„ეს იყო ერთადერთი სასწავლებელი მთელს გურიაში. მასზე დიდ იმედს ამყარებდა სამღვდლოება. მაგრამ საუბედუროდ ეს პირველი ნაბიჯი განათლების მრუდზე გზით წავიდა. მან ვერ აღასრულა თავისი დანიშნულება.“

დეკანოზი ქიქოძე კი ეპის-

კოპოსთან ჩიოდა, რომ მღვდლები უკანონოდ მოქმედებდნენ და საკუთარი გაიტანა კიდევ. მან ასევე შეძლო მოსწავლეთა მფარველი მასწავლებლის თავიდან მოცილება. 1878 წლის თებერვალში სასწავლებლის გამგეობამ მიიღო გადაწყვეტილება ლიაძის გაძევების შესახებ. ლიაძის მოხსნამ მოსწავლეთა უკმაყოფილება გამოიწვია, ისინი გაიფიცნენ და ერთ დღეს სკოლაში სრულიად არ გამოცხადდნენ; გაფიცვის მიზანი იყო საყვარელი მასწავლებლის უკანვე დაბრუნება და სწავლის პირობების გაუმჯობესება. ინფორმაცია მოსწავლეთა გაფიცვის შესახებ მთელ პრესას მოედო. გაფიცვების ორგანიზატორები ნინოშვილი და ჯიბლაძე სასწავლებლის ადმინისტრაციამ 1878 წლის სექტემბერში გარიცხა.

ლიაძემ თავისი სიმართლე მაინც დაადასტურა, რევიზორმა, თბილისის სასულიერო სემინარიის მასწავლებელმა თედორე ფავორსკიმ აღწერა ის სიტუაცია, რაც სასწავლებელში იყო. ლიაძე დააბრუნეს, ქიქოძეს კი საყვედური გამოუცხადეს. იმავე წელს კიდევ ერთმა რევიზორმა გრიგორეცკიმ კიდევ უარესი დასკვნა დაწერა ქიქოძის საქმიანობათა შესახებ. მისი დასკვნის საფუძველზე მოხსნეს ქიქოძე.

1896 წლის 1 იანვრისთვის სასწავლებელში 208 მოსწავლე ირიცხებოდა. მის შენახვაზე გურიის სამღვდლოება წელიწადში 11 120 მანეთს ხარჯავდა

1910 წლისთვის სასწავლებელში გალობას ფილიმონ ქორიძე ასწავლიდა. 1917-1922 წლებში სასწავლებელს ოზურგეთის გიმნაზია ეწოდა. 1918 წლის 18 დეკემბერს ოზურგეთის გიმნაზიის გამგე განათლების მინისტრს დეპუტატ ატყობინებდა მასწავლებელთა გაჭირვების შესახებ, მასწავლებლებს 4 თვის ხელფასი ჰქონდათ მიუღებელი.

1922 წლიდან მას ეწოდა N1 შვიდწლიანი სკოლა და 1928 წელს შეიერთა საქალაქო სასწავლებლის მოსწავლეების ნაწილი. დღეს სკოლას N1 საჯარო სკოლა ეწოდება.

დასასრული მე-2 გვ.



# გურიის სკოლების ისტორია

## დასასრული

### სამაზრო (საპალაქო) სასწავლებელი

ოზურგეთში პირველი სა-  
მაზრო სასწავლებელი ოფი-  
ციალურად გაიხსნა 1850 წლის  
21 თებერვალს. სასწავლებელი  
მოთავსებული იყო ოზურგეთის  
სამხედრო სკოლისათვის ახ-  
ლადაგებულ შენობაში. სასწავ-  
ლებლის გახსნის ინიციატორი,  
მმართველი და მოსამზადებელი  
კლასის მასწავლებელი იყო თა-  
ვადი ივანე გიორგის ძე ნაკა-  
შიძე, მგალობელ მელქისედეკ  
ნაკაშიძის ძმა. სასწავლებლის  
ზედამხედველი იყო ივანე გან-  
გესოვი, საღვთო სჯულისა და  
ქართული ენის მასწავლებელი  
იყო გიორგი ქიქოძე.

1860 წელს წერს ბარონი ნი-  
კოლოზი, რომელსაც დაუთვა-  
ლიერებია ქუთაისის გუბერნიის  
სკოლები მეფისნაცვლისადმი  
მოხსენებაში წერდა: „ოზურგე-  
თის ორწლიანმა სასწავლებელმა  
ყურადღება მიიქცია თავისი მრავ-  
ალრიცხოვანი 150 მოსწავლით“.

1870 წელს სასწავლებელი გადა-  
კეთდა სამკლასიანად.  
1874 წლის პირველ ივლისს  
სამაზრო სასწავლებელი ექვსკ-  
ლასიან საქალაქო სასწავლებლად  
გადაკეთდა. 1875 ითვლებოდა  
175 მოსწავლე და 4 მასწავლებე-  
ლი. ამ პერიოდში იზრდებოდა  
ინტერესი სწავლა-განათლები-  
სადმი. „წელს ოზურგეთის სას-  
წავლებელში მისაღებად იმდენი  
ბავშვი მოგროვდა, რომ მთელი  
ოზურგეთი გააკვირვა“ – წერდა  
„დროება“. 1877 წლიდან სასწავ-  
ლებელი ოთხკლასიანი გახდა.

1880-იან წლებში სკოლის  
დირექტორი იყო ბირშეტი. მას  
ქუთაისის გუბერნიის სახალხო  
სკოლის დირექტორმა არლოვმა  
მიანდო ოზურგეთში საქალაქო  
სკოლის გახსნა, რომლისთვისაც  
1000 მანეთი იყო შეგროვებული.  
თავდაპირველად ამ საქმეს ხე-  
ლმძღვანელობდნენ სოფიო გუ-  
რიელისა და მკაკა წულუკიძისა.  
ფული მაზრის უფროსს, ოტია  
დადიანს, ჰქონდა მიზარებული,  
მაგრამ ქალები არ სთხოვდნენ,  
ვაითუ არ ეწყინოსო. მას შემდეგ,  
რაც საქმე ბირშეტს მიანდეს, მან  
ფული დადიანს გამოართვა და  
პირადი საქმეებისთვის მოიხ-  
მარა. ამისთვის მხოლოდ 10 დღე  
დატყვევებდა მიუსაჯეს.

1890-95 წლებში სკოლაში ას-  
წავლიდა ივანე გომელაური. მან  
1895 გამოსცა საბავშვო წიგნი  
„საჩუქარი“. 1896 წლისთვის სას-  
წავლებელში სწავლობდა 303  
მოსწავლე. წლიური ხარჯი იყო  
8205 მანეთი.

1917-1928 წლებში საქალაქო  
სასწავლებელი განთავსებული  
იყო დიმიტრი გურიელის სასახ-  
ლეში. 1928 წელს სასწავლებელი  
გაიყო ორად. მოსწავლეთა ერთი  
ნაწილი შეუერთდა ყოფილ სასუ-  
ლიერო სასწავლებელს სერზე,  
ხოლო მეორე ნაწილი გადავიდა  
ზვანის სკოლაში.

1921-34 წლებში მას ოზურ-  
გეთის N1 შვიდწლიანი სკოლა  
ერქვა, ხოლო 1934-36 წლებში  
სახელწოდებაში „შრომის სკო-  
ლა“ დაემატა. 1936-38 წლებში  
N1 არასრული საშუალო სკო-  
ლა ერქვა. 1938 წლიდან ეწოდა  
მეორე საშუალო სკოლა. 1945-54  
წლებში ქალთა სკოლა იყო.

## ზვანის სკოლა

1900 წელს ზვანში, რომელიც  
უკვე ქალაქის გარეუბანი იყო,  
გაიხსნა დანყებითი, ორკლასიანი  
სკოლა. სკოლისთვის შენობა ვერ  
გამოიძებნა, ამიტომ ის კერძო  
სახლებში განთავსდა. კლასე-  
ბის ნაწილი სწავლობდა კესარ-  
ია კვაჭაძის სახლში ნატანების  
(კოსტავას) ქუჩაზე, ნაწილი კი  
მოსე ტულუშის სახლში (ლესელ-  
იდის ქუჩა). მოგვიანებით, მოს-  
წავლეთა რაოდენობის ზრდის  
გამო აშენდა ხის ერთსართუ-  
ლიანი სახლი ექვსი საკლასო  
ოთახით ზვანის ჩაის ფაბრიკის  
შენობის აღმოსავლეთით. ზვანის  
ორკლასიანი სასწავლებელში  
სწავლობდნენ კონსტანტინე ლე-  
სელიძე და პორფილე ჩანჩიბა-  
ძე. ზვანის სკოლის მემკვიდრეა  
ქალაქ ოზურგეთის N3 საჯარო  
სკოლა.

## ქალაქის სხვა სკოლები

1879 წელს ოზურგეთში გაიხ-  
სნა ქალთა ერთკლასიანი სკო-  
ლა, რომელიც 1882 წლიდან  
ორკლასიანი გახდა და სადაც  
ნინო ქიქოძე და მარიამ დემუ-  
რია ასწავლიდნენ. ამ სკოლაში  
სწავლობდა ნინო ნაკაშიძე. 1896  
წლისთვის აქ სწავლობდა 112  
მოსწავლე. წლიურად მისი შენახ-  
ვა 1400 მანეთი ჯდებოდა.

1893 წელს გაიხსნა სამრევლო  
სკოლა. 1896 წლისთვის იქ სწავ-  
ლობდა 58 მოსწავლე.

1895 წლისთვის ოზურგეთში  
უკვე ოთხი სასწავლებელი იყო.  
სულ მათში სწავლობდა 681 მოს-  
წავლე, რაზეც იხარჯებოდა 20  
145 მანეთი.

## თედო სასოკია:

„**ოთხი სასწავლებელი ემსახ-  
ურება ამჟამად სწავლა განათ-  
ლებას ოზურგეთში: სასულიერო  
ოთხკლასიანი სასწავლებელი,  
საქალაქო სასწავლებელი, საქა-  
ლებო სკოლა და სამრევლო სა-  
სწავლებელი. ყველაზე ხნიერი  
ამ სასწავლებლებში სასულიერო  
სასწავლებელია, დაარსდა 1846  
წელს. მეორე ადგილი უჭირავს  
საქალაქო სასწავლებელს, რომე-  
ლიც სამაზრო სასწავლებლიდან  
გადაკეთდა.**“

## სკოლები სოფლად

სოფლებში ძირითადად, პირ-  
ველდანყებითი, ორკლასიანი  
სკოლები იხსნებოდა. დანყები-  
თი სკოლების გახსნის უფლე-  
ბა 1861-64 წლებში მიღებული  
დებულებებით მიეცათ სასოფლო  
საზოგადოებებსა და ერობებს  
სასწავლო ოლქის ნებართვით.

- 1859 - ძიმითი (მამათი)
- 1868 - ჯუმათი
- 1872 - ნიგოთი, ასკანა
- 1873 - ლანჩხუთი, ლიხაური,  
ბასილეთი, ჩიბათი, შემოქმედი
- 1874 - ბახვი
- 1876 - აკეთი
- 1879 - ჯურუყვეთი, დვაბზუ
- 1880 - ამაღლება
- 1883 - ხვარბეთი
- 1884 - ჩოხატაური
- 1885 - მიქელგაბრიელი
- 1887 - ჯვარცხმა, სურები

## დროება, 1874 წელი:

ოზურგეთის მაზრაში უფრო  
ბევრი სკოლებია, თითქმის ოთხი



ფოტო: ოზურგეთის სამაზრო სასწავლებელი

**იმდენი, რაც რაჭაშია...აქაური  
ხალხი უფრო თანამგრობობია  
სკოლებისა, ვინემ სხვა მაზრების  
მცხოვრებნი.**

**გურიაში დიდი სურვილი აქვს  
ჩვენს სახალ ხალხს სწავლის  
შეძენისა და განათლებისა. ამ  
ზაფხულის თვეშიაც, როცა ერთი  
მოზრდილი ბიჭი დღეში ერთი  
ოქრო ლირს მამას მაინც არ ენაღვ-  
ლის ყმანვილის სიარული სკოლა-  
ში დილიდან შუადღის გასვლამ-  
დის, რადგან კარგად უწყის, რომ  
ცოდნა სინათლეა“**

ორკლასიანი სკოლები გაიხ-  
სნა ასევე სოფლებში: ნაგომარი,  
ხიდისთავი, ჩოჩხათი, ექაღია.  
სკოლების რაოდენობით გურია  
სხვებზე წინა დგას, წერდა უურ-  
ნალი „მწყემსი“ 1891 წელს.  
ყოველკვირეულ გაზეთ „კვალის“  
ცნობით გურიაში 40-ზე მეტი  
სამონასტრო სკოლაა და 30-ზე  
მეტი სამრევლო.

გარდა ამისა, 1893 წლისთ-  
ვის სამრევლო სკოლები იყო  
ლანჩხუთში, ვანში, ხიდისთავში,  
ქვენობანში, ხევში, გუთურში,  
იანუელში, საჯავახოში, სამებაში,  
ჭალა-საყდარში, დვაბზუში, ბოხ-  
ვაურში, თავსურებში. 1889 წელს  
„ცნობის ფურცელი“ წერდა, რომ  
სამრევლო საეკლესიო სკოლების  
ზედამხედველის მოხსენების თა-  
ნახმად აუცილებელი იყო სამ-  
რევლო სკოლათა რიცხვის ზრდა  
და მათი გახსნა სოფლებში ჭანი-  
ეთი, აჭი, კახური, ახალსოფელი,  
კვირიკეთი, მოედანი, ზედუბანი,  
გოგორეთი, ფამფალეთი, უჩხუ-  
ბი, შუხუთი, გორისფერდი, ზემო  
ამაღლება. გარდა ამისა, საჭიროა  
წერა-კითხვის 8 სკოლა ოზურგე-  
თის მაზრაში. ახალ სკოლებზე  
წლიურად 7555 მანეთი უნდა  
დახარჯულიყო.

1895 წლისთვის ოზურგეთის  
მაზრაში ათას ადამიანში 97%  
იყო წერა-კითხვის მცოდნე, მა-  
შინ როცა რაჭის მაზრაში 82%,  
ქუთაისის მაზრაში 72%, შორა-  
პნის მაზრაში 58%, ლეჩხუმის  
მაზრაში 55%.

## იაკობ გოგაბაშვილი: იპე- რია 1900, N118:

„**მე ამ წლიდანვე ვინყებ  
ხარჯის გაღებას და უკვე წარმ-  
ოვუდგინე „წერა-კითხვის საზო-**

**გადოებას“ თხუთმეტი თუმანი  
(150 მანეთი) იმ აზრით, რომ მან  
ეს ფული ხუთ სამთუმნიამ პრე-  
მიად გაჰყოს და მისცეს პირველი  
პრემია სამაგალითო ხალხის მას-  
წავლებელს გურიისა, რომელიც  
სამართლიანად უნდა ჩაითვალოს  
ჩვენში დანიშნულ კუთხედ  
სწავლა-განათლებაში.“**

1907 წლისთვის, რეაქციის  
ხანაში, გურიაში 39 საერო სკო-  
ლა არსებობდა 8312 მოსწავლით.  
დემოკრატიული რესპუბლიკის  
დროს გურიაში სულ იყო 37 დაწ-  
ყებითი, 8 შვიდწლიანი სკოლა და  
1 გიმნაზია. სულ 2637 მოსწავლე  
და 122 მასწავლებელი.

## ცნობილი პედაგოგები

გიგო შარაშიძე ყველაზე  
მეტად ცნობილია გურიის  
სკოლების პედაგოგებს შორის.  
ის 1869-74 წლებში ასწავლი-  
და ძიმითის (მამათის) სკოლაში,  
ხოლო 1874-1911 წლებში ბახ-  
ვის სკოლაში. 1883-1994 წლებში  
მის მშობლიურ ასკანის სკოლა-  
ში ასწავლიდა ცნობილი მეღვინე  
სოლომონ ჭეიშვილი. ქართული  
მემარცხენე მოძრაობის თვალსა-  
ჩინო წარმომადგენელი ისიდორე  
რამიშვილი სურების სკოლაში  
ასწავლიდა. სკოლა მან თავად  
გახსნა 1887 წელს და 1893 წლამ-  
დე ასწავლიდა იქ.

## საბჭოთა პერიოდი

1935 წლისთვის მახარაძის  
რაიონში გახსნილი იყო 18 ოთხ-  
წლიანი, 7 არასრული საშუალო  
სკოლა, 2 საშუალო სკოლა, 2  
ტექნიკუმი. სულ სწავლობდა  
9886 მოსწავლე.

1937 წელს 73 სკოლაში იყო  
12 222 მოსწავლე. 1951 წელს  
რაიონში იყო 15 საშუალო, 19  
რევნიანი, 35 დაწყებითი, 1  
მუშა ახალგაზრდობის, 1 მო-  
ზარდთა საშუალო სკოლა. ას-  
წავლიდა 755 მასწავლებელი.

1956 წელს რაიონში იყო საყ-  
ოველთაო სწავლების 68 სკოლა,  
აქედან 18 საშუალო სასწავლებე-  
ლი. სწავლობდა 10667 მოსწავ-  
ლე, ასწავლიდა 863 პედაგოგი.

## გურიისა და გურულების შესახებ


### საოლონ ნულაძე:

„ბედური მათრახს არ  
დაირტყამსო“ და გურულიც ბე-  
დაურობას ცდილობდა. მათრახს  
გაუბრობდა. მათრახდარტყმულს,  
„გაროზგოს“, პანლურნაკრავს  
თვალი არ „გაეჭყვირებოდა“,  
თავს შეაკლავდა, თუ ამ განსაც-  
დელს ვერ აიშორებდა... გურულის  
ამაყობა, გურულის სიცოცხლე,  
თოფის ნამაღვით აფეთქება, მისი  
„უცფათ გაკუჭება“ ანეგლოტათ  
იყო გავრცელებული... გურულს  
ახირებულათ „ლეთის წყალობასც“  
ვერ შეკადრებდნენ. ვინც გურუ-  
ლის ამბავი იცოდა, მისი დიდი შიში  
და რიდც ჰქონდა. ტყუილად და  
უმიზეზოთ კი არ იტყოდნენ „გური-  
აში რა გინდოდა, თუ სიკვდილი  
არ გინდოდაო“. გურული უცხო-  
სხვა მხრისას ვერ ეგუებოდა, ვერ  
ითვისებდა, პირიქით - ის სხ-  
ვისაგან, უცხოსაგან მოითხოვდა  
შეგუებას და ხასიათის გასწორებას.  
ვისაც გურიაში დარჩენა უნდა, ის  
აუცილებლათ უნდა გაგურულდეს.  
თორემ მოსალოდნელია „გურიაში  
დატოვოს ტყავი“. ან გაგურულება,  
ან მშვიდობით წასვლა, ამ ორში  
ერთი აუცილებელია. ახალციხიდან  
ჩამოსულმა ფრანგმა ქართველებმა:  
თუმანიშვილებმა, კალაგოშიშვილებ-  
მა, დემურისშვილებმა და სხვა... არ-  
ამც თუ შეილებმა, არამედ თვით ჩა-  
მოსულებმა მოასწრეს გაგურულება.  
ასეთივე ბედი ეწიათ უფრო გადამ-  
თიულებს, ქართული ენის უცოდინ-  
არ ნიკოლოზ პირველის ჯარისკაც  
რუსებს... ერთი სოფელი იყო ქ.  
ოზურგეთის მახლობლათ „სლაბო-  
და“. მათ შეილებს გურულებისაგან  
მარტო გვართი განსხვავებ და  
მეტი ვერაფრით. ასე მოუვლათ,  
აგრეთვე, ყველა ერებში, ყველაზე  
ჯიუტ ასიმილაციის (გადაგარების)  
მონიშნალებდნენ ბერძენებსა და სომხ-  
ებს. ეს მოვლენა, ჩემის რწმენით,  
მისი მლაღაღებელია, რომ გურულ  
გლეხობას აქვს „ერთი კბილი და  
ერთი ღვლილი“ - იცის ერთი მეორის  
აყოლა და სოლიდარობა.


### მოსა გოგაბაშვილი

ნიგოეთის ქედის სამხრეთით  
მოთავსებული მწვერვალიდან უნდა  
შეხედოს გურიის მარცხენა თვალ-  
მა, მარჯვენა კი ბახმაროს მაღალი  
გადმოსახედიდან უნდა გაუხსნოდეს  
მარცხენას, რომ ადამიანის სულმა  
ქვეცნობიერად ამოიკითხოს გუ-  
რიის ლანდშაფტის თავისებურება,  
ალმოწნდება, რომ გურია არის მესხ-  
ეთის დასავლეთი კალთა, რომლის  
ფუძე ჭოროხსა და რიონს შორის  
მდებარე რელიეფით შედის შავ ზღ-  
ვაში, ხოლო მისი ზეგნის მწვერვალი,  
საყორნისა მთაზეა მოთავსებული.  
აქ მოხაზული ლანდშაფტის სახე  
ერთ-ერთი ულამაზესია დედამიწის  
ზედაპირზე.


ვისაც სურს მთლად ჩაისუნთქოს  
ეს მშენიერება, იგი ოზურგეთიდან  
ტალახას ძირში გავლით მთა და მთა,  
ქედ და ქედ უნდა ჩავიდეს ბათუმში,  
ანდა ზოტიყელის მაღალი მწვერ-  
ვალიდან ზოტამდე უნდა ჩაუყვეს  
ზღვისპირიდან ორი ათასი მეტრის  
სიმაღლეზე მოთავსებულ გუბაზეუ-  
ლის, ბუჟუის, ნატანებისა და სუფსის  
ჭალებს რათა იხილოს ეს უსასრუ-  
ლო, უბოლავო და ამაღლებული  
რძის ზღვა, დიდებული სურათი  
მისი მთისა და ბარის ნალკოტისა,  
სურათი მთებიდან მოწყვეტილი და  
ზღვისკენ მიმქროლავი მდინარეების  
შთამბეჭდავი მუსიკისა



British Embassy  
Tbilisi



UKaid  
from the British people



Empowered lives.  
Resilient nations.

გამოიცა გაეროს განვითარების პრო-  
გრამის მხარდაჭერით, დიდი ბრიტა-  
ნიისა და ჩრდილოეთ ირლანდიის  
გაერთიანებული სამეფოს მთავრობის  
UK aid-ის ფინანსური დახმარებით;  
საგაზეთო ჩანართში გამოთქმული  
მოსაზრებები შეიძლება არ ასახავდეს  
დიდი ბრიტანეთისა და ჩრდილოეთ  
ირლანდიის გაერთიანებული სამეფოს,  
მთავრობისა და გაეროს განვითარების  
პროგრამის ოფიციალურ პოზიციას